

畿輔通志

第拾函

畿輔通志卷一百七

略六十二 經政十四

權稅

周

厘人掌斂布紬布總布質布罰布厘布而入於泉府

周禮

漢

元光六年初算商賈

通鑑綱目

始稅商賈車船令出算

文獻通考

晉

凡貨賣奴婢馬牛田宅有文券者十一萬輸估四百入官賣者三百買者一百無文券者隨物所堪亦百分收四名爲散

估

同上

後魏

孝昌二年稅市入者人一錢其店舍又爲五等收稅有差

魏書

食貨志

唐

德宗時趙贊請諸道津會置吏閱商賈錢每緡稅二十竹木

茶漆稅十之一

新唐書
食貨志

後周

顯德五年勅諸道州府應有商賈興販牛畜者不計黃牛水

牛凡經過處並不得抽稅如是貨賣處祇仰據賣價每一千

抽稅三十不得別有邀難

文獻
通考

宋

建隆初詔除滄德棣淄齊鄆乾渡三十九處緡錢水漲聽民

置廢勿收其算

宋史食
貨志

詔所在不得苛留行旅齎裝非有貨幣當算者無得發篋搜

索

同上

開寶二年始收民印契錢令民典賣田宅輸錢印契稅契限

兩月

同上

熙甯十年以前諸州商稅歲額五萬貫以上滄二十二務五萬貫以下澶十務瀛七務永靜軍九務眞定十五務三萬貫以下冀七務雄一務邢七務定十七務洛九務深五務磁十一務趙六務保一務永甯一務一萬貫以下莫三務霸三務信安一務五千貫以下廣信一務順安二務

文獻通考

熙甯十年以前諸州酒課歲額十萬貫以上滄二十三務眞定八務定六務五萬貫以上澶九務冀十四務瀛七務邢十二務洛十一務深五務趙七務五萬貫以下磁十二務邢三

務保一務三萬貫以下鄭四務雄一務安肅一務永甯一務

廣信一務順安一務北平一務一萬貫以下信安一務保定

一務同上

元豐八年濱棣滄州竹木魚果炭箔稅不及百錢者蠲之宋史

食貨志

大觀元年凡典買牛畜舟車之類未印契者更期以百日免

倍稅同上

遼

乾統三年弛武清縣陂澤之禁

欽定續通典

明

洪武二十三年令各處稅課司局商稅俱三十分稅一

王圻續文

獻通考

宣德四年令南京至北京沿河漕縣等處設立鈔關

同上

正統十一年移漕縣關鈔於河西務

同上

國朝

雍正十年

諭朕聞各省地方於關稅雜稅外更有落地稅之名凡糧鋤箕帚薪炭魚蝦蔬果之屬其值無幾必查明上稅方許交易且販自東市既已納課貨於西市又復重徵至於鄉村僻遠之地有司耳目所不及或差胥役徵收或令牙行總繳其交官者甚微不過飽姦民猾吏之私橐而細民已重受其擾矣著通行內外各省凡市集落地稅其在府州縣城內人烟湊集貿易衆多且官員易於稽查者照舊徵收但不許額外苛索亦不許重複徵收若在鄉鎮村落則全行禁革不許貪官污吏假借名色巧取著該督撫將通省額徵

稅額數目分晰原額新增並原設稅口例載貨物應留應革欸項
題報其如何裁革禁約之處詳細造冊報部查覈

大清會典

嘉慶十九年

諭關市之設所以通商便民成法極為詳備近日該管官奉行不實
日漸廢弛各關口應立之稅課木榜並詳單小木均不豎立刊刻
商賈不知稅例多寡任聽家人吏役額外扣派多收少報虧課病
商叢滋弊竇至各省牙行亦不按年清查率頂冒朋充甚或假託
官差多方苛索俱應隨時查禁著通飭管理稅務衙門及直省地
方官申明例禁實力奉行勿任奸胥市僧勾串欺朦以除積蠹

則例

戶部

雍正六年奏准天津大沽口販賣雜糧商船飭令天津縣查
明取結一例給與照票其海口稅務卽交與知縣管理並令

大沽營游擊驗票放行將每季所放之船造冊報部所給照票或有破爛令船戶呈請更換其寶坻北塘海口大小商漁船一應掛號給票使費亦令嚴行禁革交與該縣給發照票按額徵稅儘收儘解

大清會典

天津沿海州縣前赴奉天運糧商漁船隻及奉天各海口運糧漁船均准其報明各該旗民地方官查取保結編號烙印造冊報部發給船票糧照聽其販運其在海口停泊上載卽責成該旗民地方官各於要隘處所實力巡察勿任偷漏亦不得索擾滋弊天津奉天互相換驗回照彼此稽察仍嚴飭行店人等毋許多索行用飯錢倘有棍徒把持海口私充經紀擾累商民立即嚴查照例懲辦

戶部則例

雍正十三年題准直隸正定府屬之插箭嶺倒馬關及所屬

之土城鐵嶺口既收貨物牲畜之稅而出入往來空身之人

向例復收稅錢著永行停止

大清會典

乾隆三年題准直隸遵化州寶坻縣及容城之白溝河等四
集河西務等三處並撫甯之深河山海衛之海洋石門等處
宣化府屬之蔚州河間縣之桑家林等處均係零星交易土
產貨物應徵稅銀均予裁革

乾隆六年題准直隸任縣大陸澤水泊地畝因疏濬禮河以
致泊水淺狹不產魚息魚船改業每年應交魚稅銀准其豁
除

乾隆十二年

諭古北口斗稅一項從前原係營員兌收今仍著營員管理所收稅
銀除營中公用外餘著抵充驛站工料之用其作何定額之處交

戶部會同提督定議具奏欽此遵奉

諭旨應令再試收一年以所收之數作爲定額

乾隆十五年覆准古北口提督題報古北口斗稅一項原視口外年歲之豐歉節年徵收在二千兩上下之數准其每年以二千兩爲定額如有贏餘儘數報解管理收稅弁兵量給錢文按年造報

乾隆二十九年議准直隸龍泉茨溝固關倒馬插箭紫荆奇峯五虎嶺白石馬水等關口稅銀均委營員徵收每年正額銀一千一百三十四兩七錢遇閏加徵銀九十二兩四錢七分有奇贏餘銀兩比較上年彙冊解部永平府屬州縣徵收商稅每年額徵銀一百六十三兩八錢有奇永平府理事同知灤州樂亭天津等州縣每年徵海稅銀一萬一千二百八

十五兩四錢八分有奇均比較上年所徵之數按季解部又
丁字沽稅銀三千兩審稅銀三十九兩獨石口稅銀四百四
兩八錢八分均解司庫歸公動用古北口斗稅銀折錢一千
七百四十四千一百三十文除本關零星開銷外餘錢易銀
解司抵充驛站工料

大清會典

直隸省典當每年每座額徵稅銀五兩

戶部則例

直隸當稅銀九千八百三十五兩

大清會典

部議直省各屬典當均令布政使司鈐印頒帖交各州縣轉
給輸稅如有新開典當報司給帖於開設時增稅無力停開
者卽交帖免輸

大清會典

直隸額設牙帖一萬三千七百二十三張不分等則徵稅

戶部

則例

部議律內客商去處若開行及無籍之徒用強邀截客商問罪枷號一個月如誣賒貨物監追年久無從追變者發附近充軍等語嗣後一應牙行照五年編審之例清查更換新帖其中若有光棍頂替朋充巧立名色強開總行逼勒商人不許別投拖欠客本人估累商者該地方官不時嚴行查拏照此律治罪如地方官通同徇庇事發一併參處

牙帖稅銀一萬二千三百四十八兩

大清會典

部議嗣後牙行遇有更換應由藩司核明給帖辦課毋庸逐案咨部

部議准直隸州縣給發契尾如田房契價在千兩以下者照舊辦理其契價在千兩以上者令各該州縣將所填契尾粘連業戶原契按月申送知府直隸州及道查驗相符即將契

尾裁截兩半定限十日發還州縣一給業戶收領一存俟彙

送藩司稽覈

同上

部議覆河南布政使富明條奏買賣田產契尾量爲變通嗣後布政司頒發契尾格式編列號數前半幅照常紀書業戶年歲姓名買賣田房價銀若干後幅於空白處預鈐司印投稅時將價稅銀數用大字填寫鈐印之處令業戶看明當面騎字截開前幅給業戶收執後幅同季冊專送布政司查核直隸凡民間置買房屋地土等項着業戶照契內價銀每兩投稅三分填寫明白將司頒契尾照議當面騎字截開前幅給發業戶收執後幅隨季冊送司年終彙冊報查如官吏改換侵隱情弊查出揭參究處

部議凡八旗置買旗房例應赴翼投稅若民買旗房亦必責

令進京赴翼投稅往返跋涉於民未便准其在本地方官處
投稅按照契載銀數每兩折銀三分黏運司頒契尾以杜隱
冒嗣以基地尙無限制每有屋僅數間地佔數畝及十數畝
不等者恐啟盜買旗地之漸乾隆四十五年戶部議准契載
房屋一二間至五間者基地不得過一畝六間至十間者不
得過二畝十間以外及數十間者不得過三畝五十間至百
間以外者不得過五畝爲率如有逾定數之外查丈確實地
數照頭等地畝租額徵租

直隸落地牛馬豬羊等項雜稅銀十有二萬六千四百九十
六兩七錢七分零錢一千七百四十四千一百三十文內牛
馬驢稅銀五千九百九十八兩三錢花布銀一百三十一兩
九錢燒缸銀六百一十一兩七錢海稅銀一萬一千二百八十

五兩四錢八分河利銀五百三十一兩四錢榮麻銀八兩七錢榛栗三十六石內解光祿寺八石餘解部轉交內務府丁字沽稅銀三千兩雜貨稅銀六萬三千七百四十七兩二分審稅銀三十九兩獨石口稅銀四百四兩八錢八分商稅銀四萬七百三十八兩四錢各有奇古北口斗稅銀折制錢千七百四十四千一百三十文

大清會典

直隸房地稅契銀三萬一千五百二十三兩三錢二分八釐驟馬牛驢豬羊稅銀五千六十四兩八錢九分二釐牙雜稅銀六千六十九兩四錢八分三釐盈餘稅銀七千一百六十四兩一錢二分七釐永平府屬商稅銀六百二十七兩五錢二釐通永道徵收丁字沽米稅銀四百兩共應徵各項稅銀五萬零八百四十九兩三錢三分二釐

司冊

直隸無茶課向不頒引惟茶商到境各由經過關口輸稅不

科引課

大清會典

部議直隸昌平延慶二州屬白羊城等處產有鉛苗准其試

採

又議准直隸昌平延慶二州屬白羊城等處鉛苗不旺准其停採

部議直隸延慶州屬黃土梁地方銀鉛礦廠准其開採照黔省銀鉛礦廠抽課之例辦理餘銀全行給商餘鉛照川省之例一半官爲收買

又議准直隸黃土梁地方銀礦准其停採

部議大宛二縣大行店鋪照當稅例每年徵銀五兩

大清會典

宛平縣煤窰一座納課銀六十兩由該縣批解戶部交收煤

盡審空報明封閉

戶部則例

通州牙行額設五十四名又灤邑額設牙行九名共牙行六十三名乾隆十九年奉裁通灤牙行四十一名現存二十二名每年共徵牙稅帖價銀二百三十九兩九錢

州志

灤邑驢稅駐灤州判徵收每年解州彙解無定額

通灤麴稅私燒曬麴久奉例禁州屬境內民間製造零星麴塊爲酒醋之用者部行定例每塊重一觔每十觔徵銀一錢七分六釐六毫向由坐糧廳徵收乾隆二十二年因玉田縣民胡籍禹等影射作奸藉詞廣曬經戶部議覆藩司請裁麴稅執照摺內奉

旨著令地方官給發執照照例徵收每年州徵麴稅儘收儘解無定

額

俱同上謹案州志通州鋪戶向徵季鈔康熙三十七年通永道祝兆熊以芝蔴麥子活豬已按石按日報納額稅